



## Aningaaaqarnermut Naalakkersuisoq

Ulloq: 23. december 2020  
J.nr.: 01.31.06/20-00922

**Aningaaqaarnermut Akileraartarnermullu Ataatsimiititaliap marlunngornermi ulloq  
22. december 2020-mi aalajangiineranik Naalakkersuisunut ilisimatitsineq.**

**AI2021-mi kontonut pingaarnernut 30.12.08 Utoqqalinermi pensionisiat aamma  
30.12.09 Siusinaartumik pensionisiat-nut oqaasertaliussani utoqqalinermi pensionisiat  
aamma siusinaartumik pensionisiat tunniunneqartartut naleqqussarnissaat pillugit  
ilassutitut aningaasaliissuteqarnissamut qinnuteqaat – Suliaq 01.31.06/20-922**

”Naalakkersuisut **inassutigaat**

2021-mut ilassutitut aningaasaliissutinut inatsisissatut siunnersummut kontomut pingaarnermut 30.12.08 Utoqqalinermi pensionisiat-nut oqaasertaliussaq matumunnga ilanngussaq naapertorlugu ilanngunneqassasoq, aamma

2021-mut ilassutitut aningaasaliissutinut inatsisissatut siunnersummut kontomut pingaarnermut 30.12.09 Siusinaartumik pensionisiat-nut oqaasertaliussaq matumunnga ilanngussaq naapertorlugu ilanngunneqassasoq”

**Aningaaqaarnermut Akileraartarnermullu Ataatsimiititaliap oqaaseqaatai apequutaalu:**

Qinnuteqaat ataatsimiititaliamit piviusorsiorumik oqaluuserineqarpoq. Ataatsimiititaliaq januar 2021-p aallartinnerani qinnuteqaatip akuersissutigineqarnissaa pillugu pisortatigoortumik aalajangiussissaq.

Aningaasartuutit inatsisitigut aalajangersagaasut kiisalu aningaasanut inatsiseqarfiusumut 2021-mut tunniunneqartartunut iluarsiissut 2,8 %, Nunatta Naatsorsueqqissaartarfia malillugu kukkusooq pineqartut ataatsimiititaliamit maluginiarneqarpoq. Taamaammat ataatsimiititaliamit oqaatigiumaneqarpoq:

*2021-mut aningaasanut inatsimmi akuersissutigineqaqqammisumi kukkaneq pillugu Isumaginninnermut, Ilaqutariinnermut Inatsisinillu Atuutsitsinermut Naalakkersuisumik isornartorsiulluni uparuaanissaminut ataatsimiititaliaq tunngavissaqarpoq. Suliamik suliariinneriaaseq taamaattoq ataatsimiititaliamit isornartinneqarpoq.*

Pissutsit piviusut naapertorligit suliariinninnermut atatillugu ataatsimiititaliap Isumaginninnermut, Ilaqutariinnermut Inatsisinillu Atuutsitsinermut Naalakkersuisumut ima apeqqutissaqarpoq:

1. Tigusartakkanik 2,8 %-inik qaffaanikkut siusinaartumik pensionisisartut kiisalu utoqqalinermi pensionisisartut isumaginninnikkut pisartakkamikkut soorlu boligsikringeqarnermikkut ajornerusumik inissisimalinnginnissaat

isumaliutigineqarsimava?

- a. Siuliani pineqartoq isumaliutigineqarsimanngippat ataatsimiititaliamit paasiumaneqarpoq qanoq iliorluni pensionisianik qaffaanerup utoqqalinermi siusinaartumillu pensionisiallit aningaasaqarnikkut inissisimanerannik ajornerulersitsinnginnissaa Isumaginninnermut, Ilaqutariinnermut Inatsisinillu Atuutsitsinermut Naalakkersuisumit qulakkeerniarneqarnersoq?

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit utaqqiisaasumik **akuersissutigineqarput** januar 2021-milu qinnuteqaat inaarutaasumik akuersissutigissallugu.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua